

27.
(8)

DISQUISITIO HISTORICA
DE
PRÆPUTIO
CHRISTI,

Quam
Adspirante & assistente
DEO

In
ILLUSTRI ALBERTINA
PRÆSIDE
M. MATTHÆO KUNST-
MANNO,

In Auditorio Philosophorum horis
locoque consuetis

Ad d. 14. Januarii Anno MDCLXXXVIII.

Publico submittit examini

MICHAEL MEINHARDUS
VVERNERUS,

Regiomont.

REGIOMONTI,
Typis FRIDERICI REUSNERI, SER. ELECT. BRAND.
ET ACAD. TYPOGR. HÆREDUM.

THE UNIVERSITY OF CHICAGO
PRESS

58700 (8) 0085



MICHAEL MELNARDUS
VENNERIS

THE BRIDGES PRESS, 100 WEST BROAD
ST. LONDON, E.C. 4




I. N. D.

§. I.



Preputium, uti Polus in Synopsi Criticorum ad Genes. c. XVII. 17. describit, est pellis tegens glandem: hæc apud Judæos masculis infantibus die post nativitatem octavo, instrumento quodam acuto separabatur, ita separata in vasculo pulvere repleto sepeliebatur, à quibusdam etiam

serpenti devoranda tradebatur. Quod Judæis observatum fuisse, refert Sebastianus Munsterus in notis ad cap. 5. Josuæ: *Faciunt, inquit, Judæi in circumcissione tria. Primum est, quod cum novacula acuta amputant preputium. Secundum, quod relictam pelliculam digitis distendunt & retrò cogunt, ut mentula corona (sic enim vocant) appareat. Et hæc pellicula repressio infantulo longè majorem infert dolorem, quam circumcisio ipsa. Tertium est*  *id est exuctio. Nam is, qui infantem circumcidit, sugit ore suo sanguinem à membro sauciato. Observant & alias stultissimas ceremonias, nempe quod adornant duas sellas, unam pro Elia, alteram, si recte memini, pro Mose. Habent & vasculum pulvere repletum, in quo sepeliunt amputatum preputium, quod offerunt serpenti devorandum, qui totum humanum genus infecit. Similia sunt, quæ habet Buntingius parte 3. de Pædia Domini nostri Jesu Christi Fol. 169. So viel das abgeschnittene Vorhäutlein belangen*

thut/ das hat man in ein Fäßlein gethan/ da Erden in
gewesen/ und vergraben / etliche Jüden pflegens einer
Schlangen zuessen geben / zur Anzeigung / daß die
Schlange das ganze menschliche Geschlecht vergiftet
hat. Nec ab his recedit Johannes Buxtorffius in Synago-
ga sua Judaica. Postquam en. varias circumcisionis Judæ-
orum recensuisset ceremonias, pergit pag. 79. f. & 80. init.
*Dum hæc loquitur (susceptor preces fundens) particulam
præputii & quidem eousque ut glans nudata appareat, ab-
cindit, & subito in arenam scutellæ (quam puer manibus te-
net) projicit.* In sequentibus, nimirum p. 104. ceremo-
niæ hujus quasdam adducit causas. Verba ejus, quia pro-
lixa sunt, mittimus, paucis tamen hic eas exponimus:
Scilicet præputium resectum ideo in arenam projectum
fuisse dicit, primò ut significaretur, semen Judæorum fore
sicut arenam maris. Dein ut memoria recolerentur ea,
quæ Bileamus, quum solum Israelitarum præputiis undi-
que opertum videret, dixit, nempe: Quis dinumerare
potest pulverem Jacobi? Et tertio, ut cibarent serpentem
antiquum, qui primum hominem in paradiso seduxit, ex
præcepto DEI: si inimicus tuus esurierit, ciba illum pa-
ne, pulverem en. terræ esse cibum serpentis. Ita descri-
psimus morem Judæis receptum. Id jam potissimum in-
quiritur, An hic quoque ritus circa Christi præputium sit
observatus? Et si non, an fuerit peculiari modo conser-
vatum ita ut, adhuc hodie alicubi locorum haberi, & o-
stendi, credendum sit?

§. II. Pontificios si hic consulamus, nullus est,
qui ex more Judæorum hætenus descripto cum præpu-
tio Christi resecto actum fuisse, asserat. Referunt verò
Mariam,

Mariam, matrem Domini, præputium resectum sollicitè custodiisse, porrò tradidisse istud Joanni, hunc suis successoribus: iis demortuis, quia malitia creverit, fideles illud in loco mundissimo sub terra abscondisse ubi diu latuerit: post longum tempus per angelum quendam illud esse delatum ad Carolum Magnum, qui Aquis grani deposuerit, unde Carosium sit translatum, porrò Romam in Basilicam Lateranensem, inde, cum Roma à Carolo V. fuit expugnata, militem quempiam arculam, qua præputium Christi cum quibusdam aliis asservatum fuerit, surripuisse, mirabili verò modo denuò inventum præputium, in pagum, à Roma viginti millibus passum distantem, cui nomen est Calcata, adlatum, ibique adhuc honorifice asservari. Ipsamet Pontificiorum verba subjicimus. BIRGITTA l. 6. Revelationum coelestium c. 12. sic Mariam ad se de præputio Domini dixisse refert. *Maria ait: Cum filius meus circumcideretur, ego membrana illam in maximo honore servabam, ubi ibam: Quomodo enim ego illam traderem terra: quæ de me sine peccato fuerat generata. Cum tempus vocationis meæ de hoc mundo instaret: ego ipsam commendavi sancto Jobanni custodi meo cum sanguine illo benedicto, qui remansit in vulneribus ejus: quando deposuimus eum de cruce: post hoc sancto Joanne & successoribus ejus sublati de mundo crescente malitia & perfidia: fideles, qui tunc erant, absconderunt illam in loco mundissimo sub terra, & diu fuerunt incognita. Donec Angelus Dei illam amicis Dei revelavit. O Roma, O Roma, si scires, gauderes utique: imo si scires flere, fleres incessanter: qui babes thesaurum mihi charissimum & non honoras illum.* JACOBUS de VORAGINE in Legenda

da sanctorum, quæ vocatur Aurea Fol. mihi 13. Column.
ult. E. habet sequentia: *De carne autem circumcisionis Do-*
mini dicitur, quod Angelus eam Carolo Magno attulit, & ipse
eam Aquisgrani in Ecclesia Sanctæ Mariæ honorificè collocavit,
Carolus vero illam postea fertur Carosium transtulisse, nunc
autem dicitur esse Romæ in Ecclesia, qua dicitur sancta sanctorum,
unde & ibidem scriptum legitur:

Circumcisa caro Christi, sandalia clara

Atque umbilici viget hic præcisio chara.

Eadem plane habet PETRUS de NATALIBUS in Ca-
talogo sanctorum lib. 2. Fol. 19. ERASMUS in An-
notationibus ad cap. 23. Matth. Fol. 92. ante med. Si vir,
inquit, sanctus (loquitur autem de Hieronymo) hæc sentit
de mulierculis (quæ particulas ligni de cruce Christi pro-
ferebant,) quarum infirmitati par erat nonnihil condonare,
quid dicturus si videat hodie ad questum ostentari lac Ma-
riæ, quod honore præpmodum æquant Corpori Christi conse-
crato? prodigiosum oleum, fragmenta ligni crucis tam multa,
ut si in acerbum redigantur, vix una navis oneraria vehat:
hic ostentari Francisci cucullam, illic intimam vestem Mariæ
virginis, alibi pectinem Annæ, alibi caligam Josephi, alibi cal-
ceum Thomæ Cantuariensis, alibi Christi præputium, quod cum
res sic incerta, religiosius adorant, quam totum Christum.
SALMERO in Tom. III. Commentar. ad Biblia tract. 36.
Fol. 320. B. seq. Quærent nonnulli, ait, ubi sit iste annulus
circumcisionis (ita vocat præputium,) quem dum vixit B.
Virgo diligentissimè, ut rem pretiosissimam conservasse fer-
tur, quem antequam in cælum ascenderet (ut fama est) B.
Mariæ Magdalene custodiendum reliquit: postea ut Ja-
cobus Genuen. testatur, ab Angelo delatum est ad Carolum
Mag.

Magnum, qui annulus primò Aquisgrani, dein Carofi est
 custoditus: Tandem verò ejusmodi præputium ad primariam
 sponsam suam, id est, Romanam Ecclesiam pervenisse certa fa-
 ma & traditione constat, atque Lateranensi templo in san-
 cto sanctorum, loco sic appellato, multis seculis fidelissime, u-
 ti par est, ac ut tantum amoris Christi monumentum exigebat,
 ac religiosissime asservatum. Gemina his ex Salmerone
 adductis habet JACOBUS MARCHANTIUS in Rationali
 Evangelizantium pag. 167. A. B. Sed quæret aliquis, quid
 de illo (Christi nempe) præputio factum fuerit? Resp. in
 revelationibus S. Brigittæ lib. 6. c. 12. legimus, B. Virginem S.
 Brigittæ revelasse, se usque ad mortem particulam illam ser-
 vasse, & tunc Evangelistæ Joanni eam tradidisse, ipsumque
 eandem reliquisse successoribus suis: & postmodum fideles in
 loco eam occulto reposuisse, in quo delituit, donec per angelum
 manifestata est. Est vero Romana traditio diu, fuisse in Late-
 ranensi Basilica reservatum in loco, qui propter excellentiam
 & multitudinem reliquiarum vocatur sancta sanctorum.
 Illuc translatum à tempore Caroli Calvi ex Aquisgranensi ci-
 vitate, ubi Carolus Magnus illud collocaverat sibi per ange-
 lum Ierosolyma delatum, de qua re mentionem facit Innocen-
 tius III. lib. de mysteriis Missæ. Itaque piè creditur adhuc
 Christi præputium in Ecclesia reservari, tanquam pignus amo-
 ris, quem in infantia sua erga humanum genus Christus testa-
 tus est, istud sibi tanto cum dolore circumcidi passus suoque
 cruore adspargere dignatus. Audiamus denique FR AN-
 CISCUM TOLETUM, Cardinalem, qui quomodo
 præputium Christi, cum paucis abhinc seculis è Basilica
 Lateranensi Romæ esset deperditum, iterum sit repertum,
 prolixè Annotatione 31. ad c. 2. Lucæ recenset. Anno

1527. inquit, cum Roma expugnata fuit à Carolo V. mil-
les quidam arculam è Basilica Lateranensi surripuit, in qua
præputium Christi cum quibusdam Reliquiis asservabatur.
Urbe a. discedens à rusticis captus deductus est ad pagum,
cui Calcata nomen est, distatque à Roma viginti millibus
passuum. Ibi in Cellaria quidam pro carcere detrusus the-
saurum surreptum defodit. Paulo post libertate ornatus
Romam revertitur, & morbo correptus in Xenodochium
S. Spiritus se recipit, mortique vicinus fatetur, se istas reli-
quias defodisse. Id ubi Clemens VII. rescivisset, scribit ad
dominum pagi, ut diligenter requirantur. Adhibuit ille
diligentiam, nec quicquam reperit. Mense verò Octobris
1557. divina providentia factum est, ut quidam sacerdos in
dictis cellariis refodiens, scriniolum ex chalybe repererit:
quod mox ad Magdalenam Stroiciam pagi Dominam retu-
lit. Hæc cum illo sacerdote & Lucretia Ursina Clariceque
filia octenni, aperto scriniolo vetustis panniculis sericis in-
volutas reliquias invenit: & singulis adjuncta erant nomi-
na, sed vetustate sic consumpta ut legi ægre possent: eas
porrò honorifice componens in pelvi argentea sigillatim
reponebat. Inter cœtera inventus est sacculus sericus, ju-
glandis instar, cui inscribebatur nomen Jesus. At dum
Magdalena primum filum solvere aggreditur, sentit manus
rigere: mox verò eas confricat, & pergit solvere, sed ma-
gis quam ante stupefunt manus. Quare divinam sentiens
hic virtutem sic Deum alloquitur: O Domine scio me pec-
catricem indignam, tua tangere, attamen non ex arrogan-
tia, aut ut sacra contemnam, sed ut humiliter & honorificè
conservem, id ago: sic pergit utramque manum adhibere
nodo solvendo, sed mox utriusque manus digiti indurantur
instar

instar metalli, ita ut nec illos conjungere, nec sacrum globum possent contingere. Spectaculum stuporem, & stupor lacrymas injicit abstantibus. Tunc Lucretia: Cederim, inquit, Sacrum Christi præputium contineri, de quo Clemens Pontifex conjugii meo olim scripsit. Hoc ubi dixisset, suavissimus odor è globulo illo exit, omnes admiratione & timore sancto afficiens. Quid tandem consilii? sacerdos, qui aderat, istud suggerit: ut scilicet Clarix virguncula nodum conetur dissolvere: sicque Matronis in id consentientibus mox sine difficultate dissolvit, ac præputium extractum in vasculo argenteo collocat, erat autem densum & crispum instar rubri ciceris. Porro sic voluit Deus virginitatem & innocentiam teneræ puellæ honorare: sed & tam matris quam filiæ manibus odor ille divinus ita inspersus fuerat, ut per biduum durârit: In illo verò pago, Calcata, in hodiernum diem asservari honorifice perhibetur. H. I.

§. III. Nos nec sententiæ Pontificiorum prolixè hactenus expositæ accedimus, neque etiam ex more Judæorum §. I. allegato cum præputio Christi factum esse, ulla ratione, ut credamus, adduci possumus. Nunquid asservitam fuisse Christi circumcisi præputium asseramus, cum sacra volumina hîc taceant? Lucas enim Evangelista Dominum circumcisum esse refert, pellem verò resectam servatum fuisse, nullibi locorum in S. Scriptura facta est mentio. Veteres etiam historiæ omnes silent, ac quingentorum à Christo nato annorum spatio nullus de ea in Ecclesia Christiana sermo est habitus. Quid quod nec ex sequioribus seculis testimonium fidei indubiæ produci queat. Neque en. Brigittæ revelationum, quas producunt, autoritas tanta,

B

quæ

quæ viros cordatos ad hoc credendum inducere aut movere possit, istæ quippe multis fabulis sunt repletæ. Ipsimet Pontificiî hac re incerti sunt ac planè dubii. INNOCENTIUS III. Pontifex Romanus in lib. 3. de Mysteriis Missæ cap. 30. *Quid, inquit, de circumcissione præputii vel umbilici præcisione dicetur? An in resurrectione Christi rediit ad veritatem humanæ substantiæ? Creditur en. in Lateranensi Basilica reservari, licet à quibusdam dicatur, quod præputium Christi in Hierosalem delatum ab Angelo Carolo Magno, qui transtulit illud & posuit Aquisgrani. Sed postea à Carolo Calvo positum est in Ecclesia Salvatoris apud Carosium. Melius est tamen Deo totum committere, quam aliud temere diffinire.* Guilielmus Durandus in Rational. Divin. Offic. lib. 4. de septima parte Canonis cap. 42. um. 8. postquam rem eodem ferè modo, quo Innocentius III. narravisset, subicit: *Sic hoc verum est, mirandum est.* Baronius item, certi nihil narrationibus de præputio Christi superstitie subesse, deprehendit, alias in Annalibus suis quædam de eo monuisset, cum prolixius amplissimoque cum verborum apparatu de præsepi, cunabulis. fasciis aliisque reliquiis declamitet. Et rumorem nudum de præputio Christi asservato, eumque incertum esse, patet vel ex vulgari illo Historicorum asylo: Creditur, dicitur, fama est, ad quod non pauci illorum, qui de præputio Christi narrant, confugisse deprehenduntur. Qualis autem fides iis subesse soleat, quæ sive à multis dici, sive dicta ab aliis pro veris arripi solent, plusquam satis, non historica saltem, sed & ipsa quotidiana testatur experientia scilicet πολλαὶ αὖ ψευδεῖς καὶ ἀγ. ψ. ὁ δὲ ἔπη, multa sunt falsa, quæ dicuntur, ut Euripides Hel. v. 316. inquit. Quis item ita plumbeo sit ingenio, ut fraudes hîc non subodoretur. U-

na enim cum fuerit pellis, quæ Christo fuit amputata, qui ergo multa in Papatu ostenduntur præputia? Siquidem id Wolffius testatur Centenar. XVI. Læction. memorabil. Fol. 233. *Charrovienses Monachi, ait, dentes, crines, etiam præputium Christi (horrescit mens præ his blasphemis) hominibus, ut reverantur ostendunt; præputium idem Romæ etiam in templo Lateranensi asservatur. Mendacium arguit loci diversitas.* Ex hæcenus dictis, constare potest, quàm nulla fides habenda sit relationi, quam ex Francisco Tolcto supra adduximus. Ita sane, sententiam Pontificiorum de superstite adhuc præputio, fabulæ & vano cuidam commento non absimilem esse, manifestum est. Ex more verò Judæorum §. I. significato cum præputio Christi factum esse, negamus moti ratione sequenti. Nimirum ritus hic à Deo non erat institutus, quandoquidem altum de eo in sacris silentium, sed erat ex traditionibus illis, de quibus ait Christus: *ματὲρ ἡ σέβοντάς με, διδάσκοντες διδασκαλίας, ἐντάλματα ἀνθρώπων* sed frustra me colunt docentes doctrinas, mandata hominum Matth. 15. 9. Quis igitur asserere audeat, tali Judæorum traditioni, & ritui Christum factum esse obnoxium?

§. IV. His forsitan quidam non contentus quærat, quid tandem de præputio Christi asseritis? Ubinam est? An in auris dissipatum est inanes? Cui respondemus: temerarium, esse hic aliquid velle definire, optimum verò rem omnem Deo committere. Idcirco lubentissimè hic nostrum profiteamur ignorantiam, docta quippe ignorantia, quædam cum scriptura ignorare. Si tamen *in rebus*, censente ita Salmasio in epistola ad Bartolinum, *que in utramque partem sola ferè nituntur conjectura, debent videri veriora, quæ veris sunt similia*, verius esse, existimamus, Christum totum illud, quod per circumcissionem à corpore decesserat, modis tamen, quos ipse comperitos habet, conservasse, & tempore resurrectionis resumpsisse.

Quam sententiam veteribus etiam placuisse, reperimus. Pro-
ducimus hic Titum Bostrensis in Arabia Ecclesiæ Episco-
pum, qui sic ad cap. I. Lucæ scribit : *Illos qui de circumcisi præ-
putio questionem movent, anxieque & curiose quid de eo factum sit,
disputant, velut qui circa incerta, planeque inaccessâ occupentur, mis-
sos hic facimus. Qui diceret, ut crucis tempore, immaculatus illius
sanguis una cum aqua in terram defluens, terram in quam dimanabat
sanctificavit, ita præputium per circumcisionem ablatum, terram in
quam ferebatur, contra actu suo sanctificasse; is meo iudicio à scopo baud
procul aberraret. Ut cunque res habet, certum est, qui spontè se cir-
cumcidi passus est, eum modis & rationibus, quas ipse compertas habet,
totum illud, quod per circumcisionem à corpore decesserat, ita conservâs-
se, ut resurrectionis tempore nihil eorum omnium, quæ ad perfecti cor-
poris constitutionem deponuntur, omninò desideratum fuerit, adeoque
ut integer omnisque prorsus vitii, etiam quod ad hanc partem attinet,
expers è mortuis in vitam redierit. Nam & nos quoque communis
resurrectionis momento corpus nostrum integrum omnique ex parte
perfectum recipiemus. Tito Bostrensi comitem damus Theo-
phylactum Acridæ in Bulgaria Archiepiscopum, qui, itidem
in Comm. ad cap. I. Lucæ, sequentia habet : *Inutiliter que-
ritur, ubi sit abscisa illa particula (intelligit autem præputium
Christi.) Nam quæ Scriptura tacuit, ea querere non oportet, præ-
sertim ubi nulla utilitas. Dicitur autem posset, quod quando abscisum,
terram tetigit, illam quoque sanctificavit : sicut etiam sanguis &
aqua, quæ ex latere ejus fluxerunt. Οἷς ἡ οὐδε λόγος ἐφύλαξε τὸ
τὸ μόριον ἀβλαβὲς τὴν ἀνάστασιν ἀναλαβόμενον, ἐγέρθη. ἵνα καὶ κατ'
τὸ ἀνελλιπὲς ἔχων ὀρεθῇ. Et videtur, quod servârit particu-
lam illam, & in resurrectione iterum resumpserit, ut & hæc
particula non inveniatur deesse, quippe & nos in
resurrectione perfectum corpus ersum-
pturi sumus.**

TANTUM.